



გარემოსდაცვითი  
ინფორმაციისა და განათლების  
ცენტრი

# გარემოსდაცვითი დემოკრატია


უღებინის უზღებები  
და ვადებუღებები



თავის კონვენენია

ყველას აქვს უფლება, დროულად მიიღოს სრული ინფორმაცია  
გარემოს მდგომარეობის შესახებ.  
გარემოსდაცვით საკითხებთან დაკავშირებული  
გადანყვეტილებების მიღებაში მონაწილეობის უფლება  
უზრუნველყოფილია კანონით.

საქართველოს კონსტიტუცია  
მუხლი 29. გარემოს დაცვის უფლება



გაეროს ევროპის ეკონომიკური კომისიის კონვენცია  
„გარემოსდაცვით საკითხებთან დაკავშირებული ინფორმაციის  
ხელმისაწვდომობის, გადანყვეტილებების მიღების პროცესში  
სამოვადოების მონაწილეობისა და ამ სფეროში  
მართლმსაჯულების საკითხებზე ხელმისაწვდომობის შესახებ“  
(ორჰუსის კონვენცია)



# რა არის ორჭუსის კონვენცია?



ორჭუსის კონვენცია, რომელიც 1998 წელს დანიის ქალაქ ორჭუსში მიიღეს, გარემოსდაცვით კონვენციებს შორის განსაკუთრებული ტიპის დოკუმენტია და აყალიბებს ადამიანის გარემოსდაცვით უფლებებზე დაფუძნებულ მიდგომას. კონვენციის მიზანია გარემოსდაცვით ინფორმაციაზე ხელმისაწვდომობის და ამ სფეროში გადანაცვლებების მიღების პროცესში ფართო საზოგადოების ჩართულობის გაძლიერება.

## ორჭუსის კონვენციის 3 ძირითადი პრინციპია:



გარემოსდაცვით ინფორმაციაზე ხელმისაწვდომობა



საზოგადოების მონაწილეობა გარემოსდაცვით საკითხებთან დაკავშირებული გადანაცვლებების მიღების პროცესში



მართლმსაჯულებაზე ხელმისაწვდომობა

## გარემოსდაცვით ინფორმაციაზე ხელმისაწვდომობა

### რა არის გარემოსდაცვითი ინფორმაცია?

- ინფორმაცია გარემოს შემადგენელი ელემენტების შესახებ
- ინფორმაცია გარემოზე მოქმედი ფაქტორების, ქმედებების, ღონისძიებების, შეთანხმებების, პოლიტიკის, კანონმდებლობის, გეგმების, პროგრამების შესახებ
- ინფორმაცია გარემოს მდგომარეობის გავლენის შესახებ ადამიანის ჯანმრთელობასა და უსაფრთხოებაზე

### ყველას აქვს უფლება, მოითხოვოს და მიიღოს გარემოსდაცვითი ინფორმაცია

- გარემოსდაცვითი ინფორმაცია საჯაროა, გარდა გამონაკლისებისა
- ინფორმაცია გაიცემა განმცხადებლის მიერ ინტერესის დასაბუთების გარეშე
- ინფორმაცია უნდა გაიცეს დაუყოვნებლივ





## ინფორმაციის გაცემის ვადები

ორჰუსის კონვენციის მიხედვით საჯარო დაწესებულება ვალდებულია, გასცეს საჯარო ინფორმაცია, მათ შორის, ელექტრონული ფორმით, დაუყოვნებლივ, მაგრამ არაუგვიანეს **30 დღისა**.

ეროვნული კანონმდებლობა ორჰუსის კონვენციასთან შედარებით მკაცრია და ის ინფორმაციაზე პასუხის გაცემის ვადად **10 დღეს** აწესებს. შესაბამისად, საჯარო დაწესებულება ვალდებულია, იმოქმედოს კანონით დადგენილი ვადების დაცვით და ინფორმაცია გასცეს არაუგვიანეს **10 სამუშაო დღისა**.

## უარი გარემოსდაცვითი ინფორმაციის გაცემაზე

ორჰუსის კონვენცია ითვალისწინებს შემთხვევებს, როდესაც საჯარო დაწესებულებას უფლება აქვს, უარი თქვას მოთხოვნილი ინფორმაციის გაცემაზე. უარი ინფორმაციის გაცემაზე განმცხადებელს უნდა ეცნობოს დაუყოვნებლივ. საჯარო დაწესებულება ვალდებულია, გადაწყვეტილების მიღებიდან **3 დღის** ვადაში განმცხადებელს წერილობით განუმარტოს თავისი უფლებები და გასაჩივრების წესი.

## საზოგადოების მონაწილეობა გარემოსდაცვით საკითხებთან დაკავშირებული გადაწყვეტილების მიღების პროცესში

### საზოგადოების ჩართულობა და მონაწილეობა ხელს უწყობს:

- ინფორმაციის გაცვლას მხარეებს შორის
- ურთიერთშეთანხმების მიღწევას
- ნდობის ფაქტორის ამაღლებას
- უკეთესი გადაწყვეტილების მიღებას

### საზოგადოების ეფექტიანი მონაწილეობისთვის მნიშვნელოვანია:

- სათანადო ინფორმაციაზე ხელმისაწვდომობა
- საჯარო განხილვებში მონაწილეობა
- ინფორმაციაზე დაყრდნობით საკუთარი პოზიციის ჩამოყალიბება და არგუმენტირებულად წარდგენა



**!** საზოგადოების მონაწილეობის პროცესი უნდა იყოს ღია და გამჭვირვალე!

### გადაწყვეტილების მიღების პროცესში მნიშვნელოვანია:

- საზოგადოების ჩართულობა სანყის ეტაპზევე
- საზოგადოების მონაწილეობისთვის გონივრული ვადების დადგენა
- საზოგადოების დროული ინფორმირება
- გადაწყვეტილების მისაღებად საჭირო მნიშვნელოვან ინფორმაციაზე შეუზღუდავი წვდომა
- საზოგადოების მხრიდან კომენტარების წარდგენის შესაძლებლობა
- შესაძლებლობების ფარგლებში, წარდგენილი კომენტარების სათანადოდ გათვალისწინება
- სახელმწიფო ორგანოს მიერ მიღებული გადაწყვეტილების საზოგადოებისთვის დაუყოვნებლივ გაცნობა

### მართლმსაჯულებაზე ხელმისაწვდომობა

ორჰუსის კონვენცია ადგენს მართლმსაჯულებაზე ხელმისაწვდომობის უფლებას იმ შემთხვევაში, თუ დაირღვა:

- ინფორმაციაზე ხელმისაწვდომობის უფლება
- გადაწყვეტილების მიღების პროცესში მონაწილეობის უფლება

თითოეული წევრი სახელმწიფო ვალდებულია, ეროვნულ დონეზე უზრუნველყოს აღნიშნული საკითხების გასაჩივრების შესაძლებლობა.

საზოგადოება, თავის მხრივ, პასუხისმგებელია, დაიცვას საკუთარი გარემომცველი სამყარო. საქართველოს კანონი გარემოს დაცვის შესახებ თითოეულ მოქალაქეს ავალდებულებს:

- დაიცვას საქართველოს კანონმდებლობის მოთხოვნები გარემოს დაცვის სფეროში
- გაუფრთხილდეს ბუნებრივ და კულტურულ გარემოს
- იზრუნოს გარემოს დაცვაზე
- მოსალოდნელი ან მომხდარი ბუნებრივი და ტექნოგენური ავარიისა და სხვა ეკოლოგიური კატასტროფის შესახებ ინფორმაციის მიღებისას დროულად აცნობოს სათანადო კომპეტენტურ სახელმწიფო ორგანოებს ან განაცხადოს საჭაროდ



**მოითხოვე ინფორმაცია!**

**მიიღე მონაწილეობა!**

**იყავი ინფორმირებული შენი გაკეთდაცვითი უწყებების  
შესახებ!**



[mepa.gov.ge](http://mepa.gov.ge)



[eiec.gov.ge](http://eiec.gov.ge)



[info@eiec.gov.ge](mailto:info@eiec.gov.ge)



+995 32 2 11 20 23



თბილისი, 0159, მარშალ გელოვანის გამზ. 6



გარემოსდაცვითი ინფორმაციისა და განათლების ცენტრი

